



O'ZBEKISTON RESPUBLIKASI SOG'LIQNI SAQLASH VAZIRINING

BUYRUG'I

2017 yil "20" 12

№ 465

Toshkent sh.

Ўзбекистон Республикаси Вазирлар Маҳкамасининг 2017 йил 27 сентябрдаги 769-сон “Тиббиёт кадрларини тайёрлашни янада такомиллаштириш чора-тадбирлари тўғрисида”ги қарорида белгиланган вазифалар ижроси ҳақида

Ўзбекистон Республикаси Президенти Ш.М.Мирзиёев ҳузурида 2017 йил 12 декабрда “Соғлиқни сақлаш соҳасида ислохотлар, амалга оширилган ишлар ва истикболдаги вазифалар тўғрисида” ўтказилган мажлисда белгиланган топшириқлар ҳамда Ўзбекистон Республикаси Вазирлар Маҳкамасининг 2017 йил 27 сентябрдаги 769-сон “Тиббиёт кадрларини тайёрлашни янада такомиллаштириш чора-тадбирлари тўғрисида”ги қарори ижросини таъминлаш мақсадида **буйораман:**

1.Қуйидагилар:

Битирувчиларни мажбурий ишлаб бериш учун тақсимлаш, мажбурий ишлаб бериш жараёнини мувофиқлаштириш ва назорат қилиш комиссияси таркиби 1-иловага мувофиқ;

Битирувчиларни мажбурий ишлаб бериш учун тақсимлаш, мажбурий ишлаб бериш жараёнини мувофиқлаштириш ва назорат қилиш комиссияси фаолиятини ташкил этиш тартиби 2-иловага мувофиқ;

Ўзбекистон Республикаси Соғлиқни сақлаш вазирлиги, олий тиббий таълим муассасаси, Қорақалпоғистон Республикаси Вазирлар кенгаши, Тошкент шаҳри ва вилоятлар ҳокимликлари ҳамда битирувчи ўртасида тузиладиган мажбурий ишлаб бериши тўғрисидаги шартнома намунаси 3-иловага мувофиқ тасдиқлансин.


2. Кадрлар бошқармаси (Д.Бабаев) бир ҳафта муддатда Соғлиқни сақлаш вазирлигида тиббиёт олий таълим муассасалари битирувчи талабалари ва республика ихтисослаштирилган тиббиёт марказлари, илмий текшириш

000593

институтлари, тиббиёт олий таълим муассасаларининг клиник ординаторларини мажбурий ишлаб бериш учун тақсимлаш, шунингдек мажбурий ишлаб бериш жараёнини мувофиқлаштириш ва назорат қилиш мақсадида штаб ташкил қилсин.

3. Мазкур буйруқ ижросини назоратини ўз зиммамда қолдираман.

Вазир



А.Шадманов

**Битирувчиларни мажбурий ишлаб бериш учун тақсимлаш, мажбурий
ишлаб бериш жараёнини мувофиқлаштириш ва назорат қилиш
комиссияси таркиби**

1.	А.К.Шадманов	Соғлиқни сақлаш вазири, комиссия раиси
2.	Б.К.Юсупалиев	Соғлиқни сақлаш вазирининг биринчи ўринбосари, комиссия раисининг ўринбосари
	Аъзолар:	
3.	Д.И.Бабаев	Кадрлар бошқармаси бошлиғи
4.	У.С.Исмаилов	Фан ва тиббий таълим бош бошқармаси бошлиғи
5.	Ф.Р.Шарипов	Даволаш профилактика ёрдамчини ташкиллаштириш бош бошқармаси бошлиғи
6.	М.Ф.Садиков	Оналик ва болаликни муҳофаза қилиш бош бошқармаси бошлиғи
7.	Г.А.Юсупалиева	Олий ва ўрта махсус тиббий таълимни мувофиқлаштириш бўлими бошлиғи
8.	Р.И.Махаммадиев	Юридик бўлим бошлиғи
9.	Л.Н.Туйчиев	ТТА ректори
10.	Б.Т.Даминов	ТошПТИ ректори
11.	Х.А.Акилов	ТошВМОИ ректори
12.	З.Р.Халилова	Кадрлар бошқармаси бош мутахассиси, комиссия котиби

Изох: 1. Қорақалпоғистон Республикаси ССВ, Тошкент шаҳар ва вилоятлар ССВ бошлиқлари, таълим муассасаларидаги битирувчилар тақсимотига масъул ходимлар комиссия таркибига киритилади.

2. Комиссия аъзолари бошқа ишга ўтган тақдирда унинг таркибига ушбу лавозимга янгидан тайинланган ёки тегишли вазифаларни бажариш зиммасига юкланган шахслар киритилади.

**Битирувчиларни мажбурий ишлаб бериш учун тақсимлаш, мажбурий
ишлаб бериш жараёнини мувофиқлаштириш ва назорат қилиш
Комиссиясининг фаолиятини ташкил этиш тартиби**

1. Ушбу тартиб Вазирлар Маҳкамасининг 2017 йил 27 сентябрдаги 769-сон қарорининг 1-илоvasи билан тасдиқланган “Бакалавриятнинг алоҳида таълим йўналишлари бўйича давлат гранти асосида таҳсил олган олий тиббий таълим муассасалари битирувчиларини қишлоқ врачлик пунктлари ва қишлоқ (шаҳар) оилавий поликлиникаларига ишга йўллаш тартиби тўғрисида”ги Низомнинг 5-банди асосида ишлаб чиқилган бўлиб, Битирувчиларни мажбурий ишлаб бериш учун тақсимлаш, мажбурий ишлаб бериш жараёнини мувофиқлаштириш ва назорат қилиш Комиссияси (бундан кейин – Комиссия деб юртилади)нинг фаолиятини ташкил этиш билан боғлиқ муносабатларни тартибга солади.

2. Битирувчиларни мажбурий ишлаб бериш учун тақсимлаш, мажбурий ишлаб бериш жараёнини мувофиқлаштириш ва назорат қилиш Комиссияси комиссия раиси, раис ўринбосари, котиб ва комиссия аъзоларидан иборат бўлади.

3. Комиссия фаолияти холислик ва ошкоралик принциплари асосида ташкил этилади.

4. Комиссия йиғилишлари Ўзбекистон Республикаси Соғлиқни сақлаш вазири томонидан тасдиқланган график асосида ўтказилади.

5. Комиссия иши комиссияси раиси томонидан, комиссия раиси бўлмаган тақдирда унинг ўринбосари томонидан бошқарилади.

6. Вазирликнинг Кадрлар бошқармаси Комиссиянинг ишчи органи бўлиб ҳисобланади.

7. Комиссия ишчи органининг вазифларига қуйидагилар киради:

- мажбурий ишлаб бериш учун тақсимланадиган битирувчиларнинг рўйхатини тузади;
- мажбурий ишлаб бериш учун тақсимланадиган битирувчиларнинг ҳужжатларини йиғади;
- Комиссия йиғилиши ўтказиладиган графикни ишлаб чиқиб, тасдиқлаш учун Соғлиқни сақлаш вазирига тақдим этади;

- Комиссия йиғилиши ўтказиладиган сана, вақт ва жой ҳақида комиссия аъзоларини хабардор қилади;

- Комиссия йиғилишида кўриладиган масалалар бўйича кун тартибини ишлаб чиқади;

- битирувчилар томонидан мажбурий ишлаб бериш жараёнини доимий равишда мониторинг қилиб боради ва мониторинг натижаларини Комиссияга тақдим этади;

- мажбурий ишлаб бериш талабларига риоя этмаган битирувчиларни аниқлаб, Комиссия муҳокамасига киритади.

8. Комиссия йиғилишида унинг аъзоларининг камида учдан икки қисми иштирок этган тақдирда у ваколатли ҳисобланади.

9. Комиссия қарори унинг йиғилишида иштирок этаётган аъзоларнинг кўпчилик овози билан қабул қилинади. Берилган овозлар тенг бўлиб қолганда, Комиссия раисининг овози ҳал қилувчи роль ўйнайди.

10. Мажбурий ишлаб бериш учун тақсимланган битирувчининг ишлаб бериш жойини ўзгартириши учун жиддий сабаблар юзага келса, турмуш курси, доимий яшаш учун бошқа ҳудудга кўчиб ўтса, битирувчи мажбурий ишлаб бериш жойини ўзгартириш учун Комиссияга мурожаат қилиш ҳуқуқига эга бўлиб, бунда сабабларни тасдиқловчи ҳужжатларни тақдим этади.

Комиссия ўн беш кун ичида битирувчининг мурожаати ва тақдим этилган тасдиқловчи ҳужжатларни кўриб чиқиш натижалари бўйича битирувчи учун ушбу Низом талабларига мувофиқ бошқа мажбурий ишлаб бериш жойини белгилайди.

11. Комиссия ариза билан мурожаат қилган битирувчининг мурожаати ҳақида қисқача ахборотни тинглайди, илова қилинган ҳужжатлар билан танишиб чиқади, комиссия аъзолари билан муҳокама қилиниб, битирувчи фаолиятини яхшилаш бўйича тавсиялар беради ва аризани кўриб чиқилгандан сўнг қарор қабул қилинади.

12. Комиисия қароридан норози бўлган битирувчи қонун ҳужжатларида белгиланган тартибда юқори турувчи органга ёки бўлмаса судга шикоят билан мурожаат қилиши мумкин.

**Битирувчини мажбурий ишлаб бериши тўғрисидаги
НАМУНАВИЙ ШАРТНОМА***

_____ -сон

Тошкент ш.

20__ й «__» _____

Ўзбекистон Республикаси Соғлиқни сақлаш вазирлиги номидан вазир
_____ бир томондан, _____ номидан муассаса
(Ф.И.Ш) (олий тиббий таълим муассасасининг номи)

Уставига асосланиб иш юритувчи ректор _____ иккинчи томондан
(Ф.И.Ш)

_____ (махаллий ҳокимият органи)

Уставига асосланиб иш юритувчи _____ учинчи томондан,
(ҳокимият органи раҳбари, Ф.И.Ш)

_____ мутахассислиги
(олий тиббий таълим муассасасининг номи)

бўйича _____ йилда битирувчи, _____ да
(манзили)

яшовчи _____ (кейинги ўринларда «Битирувчи» деб
(талабанинг Ф.И.Ш.)

номланади) тўртинчи томондан, улар биргаликда бундан кейин “Тарафлар” деб аталадилар,
Ўзбекистон Республикаси Вазирлар Маҳкамасининг 2017 йил 27 сентябрдаги 769-сонли қарори
билан тасдиқланган “Бакалавриятнинг алоҳида таълим йўналишлари бўйича давлат гранти
асосида таҳсил олган олий тиббий таълим муассасалари битирувчиларини қишлоқ врачлик
пунктлари ва қишлоқ (шаҳар) оилавий поликлиникаларига ишга йўллаш тартиби тўғрисида”ги
Низомга мувофиқ, қуйидагилар ҳақида ушбу Шартномани туздилар.

1. Шартнома предмети.

1.1. Бакалавриятнинг алоҳида таълим йўналишлари бўйича давлат гранти асосида таҳсил
олган олий тиббий таълим муассасаси битирувчисини мажбурий ишлаб беришга юбориш.

2. Тарафларнинг ҳуқуқ ва мажбуриятлари.

2.1. Ўзбекистон Республикаси Соғлиқни сақлаш вазирлигининг ҳуқуқ ва мажбуриятлари:

- битирувчини мажбурий ишлаб бериш учун тақсимлаш;
- мажбурий ишлаб бериш жараёнини мувофиқлаштириш;
- мажбурий ишлаб бериш жараёнини назорат қилиш;
- маҳаллий давлат ҳокимияти оргналаридан шифокор кадрларга бўлган эҳтиёж
тўғрисидаги маълумотларни сўраб олиш;
- битирувчи ишга келгани ва жойлашгани ҳақидаги ҳужжатни соғлиқни сақлаш
бошқармасининг ҳудудий органидан талаб қилиш;
- ҳар бир битирувчини ҳисобини юритиб бориш;
- битирувчининг мажбурий ишлаб бериш жойини ўзгартириш ёки ишлаб бериш имкони
йўқлиги билан боғлиқ мурожаатларини ўз вақида кўриб чиқиш.

2.2. Олий тиббий таълим муассасасининг ҳуқуқ ва мажбуриятлари:

- битирувчи ишга келгани ва жойлашгани ҳақидаги ҳужжатни соғлиқни сақлаш
бошқармасининг ҳудудий органидан талаб қилиш;
- битирувчи томонидан мажбурий ишлаб бериш шартлари бажарилмаганида
компенсацияни ундириб олиш учун тўлов муддати, компенсация тўланадиган ҳисоб-рақам
ҳамда компенсация миқдори кўрсатилган талабномани битирувчига юбориш;

- битирувчи томонидан компенсация талабномада кўрсатилган муддатда ва миқдорда тўлаб берилмаса, қонунчиликда белгиланган тартибда компенсацияни ундириш юзасидан судга даъво аризаси билан мурожаат этиш;

- битирувчини давлат таълим стандартлари асосида тайёрлаш;

- ҳар бир битирувчини ҳисобини юритиб бориш;

- битирувчи учун йўлланмани ўз вақтида ва лозим даражада расмийлаштириб бериш;

- Битирувчиларни мажбурий ишлаб бериш учун тақсимлаш, мажбурий ишлаб бериш жараёнини мувофиқлаштириш ва назорат қилиш Комиссиясининг йиғилишларида иштирок этиш;

- мажбурий ишлаб бериш муддатининг амал қилиши тугаганидан сўнг меҳнат дафтарчасидаги ёзув ва битирувчи мажбурий ишлаб берган муассасанинг ёзма тасдиғи асосида бир ҳафта муддатда битирувчига олий маълумот тўғрисидаги дипломнинг асл нусхасини бериш;

- мажбурий ишлаб беришдан бош тортган битирувчига дипломнинг асл нусхасини битирувчи томонидан компенсация тўлиқ миқдорда ёки бўлмаса ишлаб бермаган муддатига мос миқдорда тўлаб берилганидан кейин бериш.

2.3. Маҳаллий давлат ҳокимияти органининг ҳуқуқ ва мажбуриялари:

- шифокор кадрларга бўлган эҳтиёж тўғрисидаги буюртномаларни ҳамда мавжуд бўш иш ўринлари ҳақидаги маълумотларни ўз вақтида Ўзбекистон республикаси Соғлиқни сақлаш вазирлигига тақдим этиш;

- буюртнома асосида мажбурий ишлаб беришга келган битирувчининг ишлаши учун зарур шарт-шароитлар яратиш чораларини кўриш;

- битирувчи билан иш берувчи меҳнат шартномаси ўз вақтида расмийлаштирилиши ҳамда битирувчини ўз вақтида ишга тушишини назорат қилиш;

- иш берувчи билан ҳамкорликда битирувчининг тиббий фаолиятини назорат қилиб бориш;

- битирувчининг малакаси етарли бўлмаганида ёки бўлмаса у томонидан мажбурий ишлаб бериш талабларига риоя этилмаганда дарҳол Ўзбекистон Республикаси Соғлиқни сақлаш вазирлигига ҳамда тегишли олий тиббий таълим муассасасига хабар бериш.

2.4. Битирувчининг ҳуқуқ ва мажбуриятлари:

- битирувчи ўқишни тамомлаганидан сўнг _____

(ишлашга юборилаётган тиббий муассасанинг манзили ва номи)

га

келиши ва уч йил (ўттиз олти ой) ишлаб бериши шарт;

- битирувчи ўқишни тамомлаганидан сўнг 3 ой ичида меҳнат фаолиятини бошлаши шарт;

- иш жойига келиши биланок шартномада ҳамда йўлланмада кўрсатилган иш берувчи билан меҳнат шартномасини тузиши;

- танлов асосида қабул қилинадиган лавозимларга мажбурий ишлаб бериш учун юборилганда танловсиз ишга қабул қилиниши;

- иш жойидаги ички меҳнат тартиби ва қоидаларига риоя этиш;

- иш берувчидан зарур меҳнат шарт-шароитларини талаб этиш;

- ишлаб бериш жойини ўзгартириш учун жиддий сабаблар юзага келганда ёки меҳнат лаёқатини қисман ёки тўлиқ йўқотиши туфайли мажбурий ишлаб бера олмаган тақдирда тасдиқловчи ҳужжатларни илова қилган ҳолда Битирувчиларни мажбурий ишлаб бериш учун тақсимлаш, мажбурий ишлаб бериш жараёнини мувофиқлаштириш ва назорат қилиш Комиссиясига мурожаат этиш.

3. Тарафларнинг жавобгарлиги

3.4. Битирувчи томонидан ўқиш тамомлангандан сўнг уч ой ичида уни иш билан таъминламаганлик ёки тегишли йўлланма берилмаганлик учун Ўзбекистон Республикаси Соғлиқни сақлаш вазирлиги, олий тиббий таълим муассасаси ҳамда тегишли маҳаллий давлат ҳокимияти органи қонунчиликда белгиланган тартибда жавобгар бўлади.

3.5. Битирувчи мажбурий ишлаб беришдан бош тортган ҳолларда Ўзбекистон Республикаси Давлат бюджетига олий тиббий таълим муассасаси томонидан талаба ўқишни битиргани ҳақида тегишли буйруқни чиқарган вақтда амалда қўлланилган энг кам иш ҳақининг тўрт юз баробари миқдорда компенсация тўлайди.

3.6. Битирувчи ишлаб бериш муддати давомида шартномада кўрсатилган жойда мажбурий ишлаб беришни ўз хоҳишига кўра рад этса, у Ўзбекистон Республикаси Давлат бюджетига ишлаб берилган муддатга мос равишда камайтирилган миқдорда компенсация тўлайди. Компенсация миқдорини ҳисоб-китоб қилишда мажбурий ишлаб бериш муддатларининг фақат тўлиқ ойлари ҳисобга олинади.

4. Форс-мажор ҳолатлар

4.1. Тарафлар зиммаларига олган мажбуриятларни бажармаганликлари ёки лозим даражада бажармаганликлари учун, агар мазкур ҳолат фавқулодда ва бартараф этиб бўлмайдиган ҳолатлар (форс-мажор) юзага келиши оқибатида юз берганлигини ҳамда улар томонидан лозим даражада бажарилиши учун барча мумкин бўлган ва уларга боғлиқ бўлган чоралар кўрганликларини исботламасалар, жавобгар бўладилар. Форс-мажор ҳолатларга қуйидагилар киради: ҳарбий ҳаракатлар, табиат кучларининг таъсири (ер қимирлаши, сув тошқини ва бошқалар), давлат органларининг қарорлари.

4.2. Форс-мажор ҳолатлари бошланганлиги ҳақида Тарафлар бир-бирларини улар юзага келган пайтдан бошлаб 15 (ўн беш) кун ичида хабардор қилишлар керак.

5. Яқуний қоидалар

5.1. Мазкур шартномани бажариш давомида юзага келган барча низолар ва келишмовчиликларни Тарафлар музокаралар йўли билан ҳал қиладилар. Келишишга эришиш имкони бўлмаганда низолар қонун ҳужжатларига мувофиқ олий тиббий таълим муассасаси жойлашган ҳудуддаги судда ҳал қилинади.

5.2. Мазкур Шартномага барча ўзгартириш ва қўшимчалар ёзма равишда киритилади ва тўртта Тараф томонидан имзоланади.

5.3. Шартнома ҳар тўрт Тараф учун битта нусхада, бир хил юридик кучга эга бўлган тўртта нусхада тузилган.

5.4. Мазкур шартномада тартибга солинмаган масалалар амалдаги қонун ҳужжатларига мувофиқ ҳал этилади.

5.5. Ушбу шартнома тарафларнинг барчаси имзоланганидан сўнг кучга киради ҳамда шартнома тўлиқ бажарилгунга қадар амалда бўлади.

6. Тарафларнинг манзиллари ва реквизитлари:

		Ўзбекистон Республикаси Соғлиқни сақлаш вазирлиги:	“Битирувчи”
(олий тиббий таълим муассасасининг номи)	(Маҳаллий давлат ҳокимияти органининг номи)	(номи)	(Ф.И.Ш.)
Манзил:	Манзил:	Манзил:	Манзили:
Тел.:	Тел.:	Тел.:	Тел.:
Х/р:	Факс:	Факс:	Паспорт серияси, номери, ким томонидан ва қачон берилган:
МФО:	Код:	Код:	
ИНН:	Х/р:	Х/р:	
Имзо, муҳр:	ИНН:	ИНН:	
	Имзо, муҳр:	Имзо, муҳр:	Имзо
Сана:	Сана:	Сана:	Сана:

*Шартномани тузиш жараёнида Ўзбекистон Республикаси Вазирлар Маҳкамасининг 2017 йил 27 сентябрдаги 769-сонли қарори билан тасдиқланган “Бакалавриятнинг алоҳида таълим йўналишлари бўйича давлат гранти асосида тахсил олган олий тиббий таълим муассасалари битирувчиларини кишлоқ врачлик пунктлари ва кишлоқ (шаҳар) оилавий поликлиникаларига ишга йўллаш тартиби тўғрисида”ги Низом талаблари доирасида унга бошқа маълумотлар ҳам киритилиши мумкин.